

14-20 სექტემბერი. 1993 წ.

მეცნიერების განვითარება

கனகசபை

დასასრული მე-8

სოსუმკესზე დატყვევებულთა ნაკვალევზე

გაგრძელება

ბით, რომელსაც რუსულად „პოდსტოლნიკ“-ს ეძახიან. 12 საათისათვის ჩვენ მხარეს ერთი დაღუპული გელა ირემაშვილი გვყავდა და ოთხი მათ შორის მეც დავიჭერით. მე მარჯვენა ფეხში. 12 საათზე სროლა შეწყდა, დაახლოებით ათი წუთით. დროის ამ მონაკვეთში გამოგვიგზავნეს ორი აფხაზი და ერთი ჩვენი მებრძოლი ილო ჩინალაძე. პირველი გვეცა. აღმოჩნდა რომ საერთო საცხოვრებელში მყოფი ჩვენი ხალხი უკვე აეყვანათ და ისინი გვითვლიდნენ, წინააღმდეგობას აზრი აღარ აქვს და ზედმეტი მსხვერპლის თავიდან აცილების მიზნით

თქვენც ჩაბარდით. საბრძოლო მასალა კიდევ გვქონდა დარჩენილი ასე 2—3 საათის სამყოფი, მაგრამ მერე ან უაზროდ უნდა შევწყვეტიდით მტერს ან მაინც უნდა დავნებოდით. ჩვენი თხოვნა ცენტრისადმი, რომ დამხმარე ძალა გამოგვგზავნა არაფერ შედეგს არ იძლეოდა, არადა სოსუმკედან პესამდე სულ 15 კილომეტრია.

ერთი სიტყვით გამოვედით. საცხოვრებელში მყოფი ხალხის ჩაბარება კი იქ ბავშვებისა და ქალების ყოფნამ განაპირობა. სხვათაშორის იქ დაიღუპა პესის ღირეკტორი ცხვარაძეც. გამოვედით გარეთ. ერთად მოგვაროვეს უშუალოდ პესზე და საცხოვრებელში დაპატიმ-

რებულები. ექვსი დაღუპული გვყავდა. მოგვცეს უფლება დაგვეკრძალა ისინი. სხვათა შორის იქვე სხვადასხვა არხებით შევიტყვეთ, რომ მათაც ამდენივე დაღუპული ჰყავდათ. ჩვენი დაჭრილები, ვისაც სიარული არ შეეძლო — გოგი ძევისაშვილი და ლადო ჯავახიშვილი საკაცეებით წავიდეთ, პესიდან ხუთი კილომეტრის მოცილებით, სოფელ ორწყალთან ვერტმფრენის დასაჯდომი მოედანი ჰქონდათ. იმ ღამეს ვერტმფრენი არ მოფრინდა, მეორე ღამეს კი მოვიდა, მაგრამ შიგ მხოლოდ ჩვენი ორი დაჭრილი მოათავსეს, დანარჩენი ადგილები მოწინააღმდეგის ჯარისკაცებმა შეავსეს. როგორც შევატყვე იარაღი გა-

ინაწილეს ჩვენი და იმის გამო ცდილობდნენ უკან მალე გაბრუნებას. დანარჩენები პირდაპირ მანქანით წაგვიყვანეს გუდაუთაში, მილიციის შენობაში. იქ იყო ის ჯარისკაცი კილაძეც, რომლის მამა ბატონ ნოდარ გრიგალაშვილს შეხვედრია. ვინც დაგვატყვევებდა იმათ ცუდი არაფერი არ უკადრებიათ. კილაძე ვერ გეტყვით ამ პარტიკაში თუ ბოლოს წინ, მაგრამ გადაცვალეს და ისიც ახლა სახლშია. ჩვენს მეთაურს ზურა მამულაშვილს ბევრჯერ შესთავაზეს გამოსვლა, მაგრამ განაცხადა — მანამ ჩემი უკანასკნელი ჯარისკაცი არ გავაფხვს არ მოვიცვლი. მე და ჩიტაშვილი ნოდარი ორ რუსში გადაგვცვალეს, ჩემს შემდეგ

კიდევ ექვსი კაცი გაიცვალა ხოლო ბოლოს გამოსული ათი კაცი როგორ გამოიყვანეს ავიცი. ტყვედ ექვს ივლისს ჩავვარდით, 23 ივლისს გამოვედი და სოფელ შრომასთან გენერალ ყურაშვილის ქვეყანაყოფების ბიჭებს შევხვდით ციკოდი სადღაც აქ ჩემი 1 წლის ბიჭიც იბრძოდა და მოვიკითხე. დამიდასტურეს რომ იქ იყო, მაგრამ იმ ღამეს ვერ ვნახე, მეორე დღეს კი შევხვდი. დიდხანს მიცქირა მაგრამ ვერ მიცნო, მანამ არ დავხეხმარე. ასე დამთავრდა ეს ჩემი ეპოპეა. მალე ჩემი მეთაური ზურა მამულაშვილ დაბრუნდება და სათქმელი მერე უფრო მეტი გვექნება.

ჩვენი გაზეთის წინა ნომერში გამოაქვეყნეთ ამა წლის 26-27 მაისს ვლადიკავკასში გამართულ ოსთა მეორე ყრილობაზე ე. წ. სამხრეთ ოსეთის რესპუბლიკის უზენაესი საბჭოს თავმჯდომარის პირველი მოადგილის აცამაზ კაბისოვის მოხსენება, რომელიც მთლიანობაში განმარტებული ადამიანის ნააზრევს შთაბეჭდილებას არ სტოვებს, მაგრამ ეს არ უნდა გაგვიკვირდეს. იმ პერიოდის იდეოლოგიური სამსახური ამორჩეულ მსხვერპლს გადარჩენის იოტისოდენა შანსსაც კი არ უტოვებს — ან ამანქურთებს, ან ასულვლებს.

ამ ფსიქიურად აშლილი კაბისოვ-კულუმბეგოვების ნებას უნდა გადაეყვეს არა მარტო საერთო კავკასიური ეროვნულ განმათავისუფლებელი მოძრაობა, არამედ თვითონ ამ გზაბნეული ხალხის ფიზიკური არსებობაც, რომელსაც განწირული იმპერიის მსახურად გადაუდგია თავი და ამით საკუთარი ბედიც სასწორზე შეუდგია. იმ სასწორზე, რომლის პინაც არასოდეს აღარ გადასწონის იმპერიების სახარკებლოდ.

სამწუხაროდ აბეჭადდა მოაზროვნე ოსების სიმრავლეში ჩვენცა ერთ დამნაშავე. რომ არა წლების მანძილზე უნათოდ, დამთმობლური პოლიტიკა, რომელიც სულაც არ არის მარტო მოსკოვიდან დაწოლის შედეგი, დღეს შეიძლება მოვლენები ამ რეგიონშიც და საერთოდ ცენტრალურ კავკასიაში სხვაგვარად განვითარებულიყო. 70 წითელი წელიწადის მანძილზე უპატრონოდ მიტოვებულ შიდა ქართლს თუ ჩააკითხავდნენ საქართველოს ოფიციალური ხელისუფლების წარმომადგენლები, მხოლოდ იმიტომ ოსთათვის რაიმე ახალი ძღვენი მიერთმიათ, ხოლო ქართული ინტელიგენცია სახობო ოდების საკითხავად და „სტუმრად ჩამოვედით ოსეთში“ საძახებლად ჩადიოდა. ეკი რომ დღესაც ასეთი პირი უნანს საქმეს, ასე უნდა გაგრძელდეს საქართველოს ხერხემაღში საბოლოოდ გადასამტრევეად.

სამხრეთ ოსეთის უკანასკნელი წლის ისტორია, ისევე როგორც ოსთა ხალხის ისტორია (ასე იწყებს თავის გამოსვლას კაბისოვი და ჩვენც ასე დავიწყეთ) აღსაქმავა სისხლიან-ღაღადიანი ფაქტებით არამარტო ქართველებს, არამედ საერთოდ ყველა მებრძოლ ხალხს მიმართ.

აქეთ ჩვენ გვედგებიან ჩვენი მიწის ყველაზე ნუგზარ ნაჭერს, იქით ვაინახებს უშუაგვენ დედაწულს დიდი ქომაგის მხარდაჭერით გადიდებული და ეპარდოვებული სადაო სამანებას უბედურად.

დღიდან ბოლშევიკების მიერ

ლიც ათეული წლების მანძილზე იმტერებოდა გამოცემლობის თარიღებზე. „რუსეთი სლოვო“ არის დაწყებითი კლასების ოსური ენის სახელმძღვანელოს საფუძველი და რა უნდა მიიღოს საკუთარი წილისა ასეთ უკაცრავად პასუხა და დედაუნაზე

დარჩენ, არავის გახსენებია არც ოსური ენა, არც ოსური სკოლა. უბრალო მიზეზის გამო — ერმა დაკარგა თავისი ენისადმი, კულტურისადმი მოთხოვნა. ერთადერთი რაც მათ არ დაუკარგათ და როგორც კი საშუალება მიეცათ

რომელიც ჯერ კიდევ 1989 წელს საფუძვლზე აფრთხილებდა ოსებს ან თემას არ გადასცემდნენ.

„მოსხენებაში“ ბევრი ისეთი რამ არის ნათქვამი, რაზეც ქართველების შეჩერება არ ღირს მათი წრეგადასული სისულელის გამო. მაგალითად, „აზრები“ ერთიან ეროვნულ სხეულზე, რომელიც თურმე ქართველმა სტალინმა, ორჯონიკიძემ, ბერიაშვილმა გაათქმეს. სხვათა შორის, როცა სტალინის და ორჯონიკიძის აზრებს ფასი ჰქონდათ ვლადიკავკასის ორჯონიკიძე ერქვა, ხოლო ცხინვალს სტალინური (სტალინი, ირონიკი); უკვე ჩატარებულ და ჩასატარებელ რეფერენდუმზე და მრავალი კიდევ სხვა. პასუხში კი შეძლებისდაგვარად აქცენტი იმაზე გადავიტანეთ თუ რა იოლი ფესვებს მოწყვეტილი, უკვე სურგატად გადატყვევებული ერის დალუპა. მაგრამ გვინდა კი ჩვენ ამ ხალხის დაღუპვა? არა და არა მიუხედავად იმ უდიდესი ცოდვისა, რაც მათ იღეს კისერზე ნებისმიერი ქართველი უნდა ცდილობდეს ამ ხალხს ჯერ თვალისა და ხელისა მიხედვით, მერე კი გზის სწორად გაგზავნაში. ყველაფერი რომ გვერდზე გადავდოთ ოსური სახელმწიფო თავის ისტორიულ მიწა-წყალზე უნდა გახდეს იმ ხანიტარული კორდონის ჯაჭვის ერთი რგოლი, რომელიც ჩვენსა და ჩვენს მარად „კეთილ მოსურნე“ დიდ სახელმწიფოს შორის უნდა გაიჭიმოს. სწორედ აქეთკენ უნდა იყოს ჩვენი ძალი სხმევა მიმართული და არა დალუპვული დამოძიებისაკენ, რასაც განსაკუთრებით საქართველოს დღევანდელი ხელისუფლება ეწევა. ოსს უნდა დავანახოთ რამოურტანა მას იმპერიის ერთგულმა, რას მოუტანს კავკასიელ ხალხებისათვის ზურგში ნაცემული მახვილი და მერე თუ საკუთარი ნებით არ ისურვებს იმ გზით სიარულს რაც კავკასიის ინტერესებს, საქართველოს სახელმწიფოს ინტერესებს შეესაბამება. წინ წადა უკან შევყვით“ ფერაბისათვის ამ პრაგმატულ საკუთარ დრო აღარ რჩება, ისედაც იმდენი თამაშები და გეგმები აქვთ წაღებული გაუნადგურებელი ნებისმიერ სახელმწიფოში ნებისმიერი ერი რომ ვერ დაიტრიალებს.

აგტონომიური ოდების დაარსებისა იგი საქართველოს რესპუბლიკის ბიუჯეტის დოტაციას იღებს და უკანასკნელი წლების მანძილზე რომ არა რესპუბლიკის ბანკებიდან მიშველებული თანხები მუშა-მოსამსახურებზე ხელფასის გასაცემი ფულიც კი არ გროვდებოდა ადგილობრივი საწარმო-დაწესებულებების შემოსავლიდან. თავის დროზე ვისმეს რომ ეზრუნა და ამ ხალხისათვის პერიოდულად შეეხსენებინა მათი ასეთი მათხოვრული მდგომარეობა, დღეს კაბისოვის მიერ საკუთარ ფინანსურ შესაძლებლობებზე პონორით ღაპარაკს ცოტა ოსი დაიჯერებდა.

მაგრამ ეს ყველაფერი ეკონომიკის, მატერიალური რესურსების სფეროა, რომელიც ხალხმა უნდა შექმნას თავისი სულიერი ძალების დაძაბვით, თავისი კულტურის, ეროვნული ნების მოძიებითა და საშუალებით. მათდა საუბედუროდ საქართველოს ჩრდილოეთში მცხოვრებ ხალხს ეს აღარ ძალუძს, რადგან იმპერიმ ქართველის ოსისათვის შეძლებაზე კი იზრუნა, მაგრამ იმარე აღარ უზრუნია საკუთარი ფესვები ეძებნათ იქნებ ეს ჩვენთვისაც უკეთესი ყოფილიყო. გიორგი ახვლედიანის მიერ ჯოჯოხეთური შრომის ფასად დაშუშებული ოსური ენის გრამატიკის სახელმძღვანელოს შემდეგ ამ დარგის ოსურ ლიტერატურას არაფერი ღირებულო არ შემატებია. ოსი „მეცნიერები“ მოსკოვში წაწაღს და ქართველებზე სანიერების წერას უნდებოდნენ, იმის მაგივრად რომ ოსური პოეზიის ანთოლოგიის გამოცემაზე ეზრუნათ, რომე-

აღზრდილმა ბავშვმა, რა სულიერი საზრდო. ეს ყველაფერი შეგნებულად კეთდებოდა, რათა ამ ხალხს საკუთარი დავიწყებოდა, მეზობელ-მოამაგის კულტურა არ შეეთვისებინა და იმ იდეებზე აღზრდილიყო, რომელიც იმპერიის იდეოლოგიას აწობდა. ამას ყველაფერს ხელს უწყობდნენ სწორედ ისინი, ვინც დღეს თხის ტყავი გადაიძრო, ნამდვილი სახე გამოაჩინა და ღამის ეროვნულ გმირებად არიან შერაცხულნი თავიანთი ხალხის მიერ. ერთ-ერთი მათგანია ყველასათვის კარგად ცნობილი ნაფი ჯუსიოთი, რომელიც ჯერ კიდევ 1972 წელს საოლქო საბჭოს აღმასკომის ერთ-ერთ სესიაზე კატეგორიულად თხოვდა ქართველებს აკრძალვოდათ თავიანთი შვილების რუსულ სკოლაში მიყვანა. იმის მაგივრად განგაში აეტება, ქალაქში არცერთი ოსური სკოლა არ გააქვს, ჩვენი შვილები საკუთარ ენაზე ვეღარ კითხულობენ თორემ წერას ვინ ჩივის და არიქ ხელი გამოვიდოთ. დღეს ეს კაცი ოსური სეპარატიზმის იდეოლოგია და ერის მამად ითვლება. ისე მაშინ თავისდაუნებურად იგი ქართველების წისქვილზე ასხავდა წყალს და ნეტავ ზოგიერთ ქართველს ყურად ეღო მისი „რჩევა“ ბევრით მეტი ქართველი გვეყოლებოდა ცხინვალში. ეს ბოლო დაშქრობაც ნაფი ჯუსიოთის სულიერმა შვილებმა საკუთარი ენის სახელმწიფო ენად გამოცხადების მოთხოვნით (ქართული უნისახელმწიფო პროგრამის წაბაძვით) დაიწყეს. შიგა და შიგ კომუნისტური ღონისძიებით რომ იყო შემარებული. მაგრამ როგორც კი იმ ქალაქში, სადაც მათი თქმით დისკრიმინაციას გადიდნენ მარტო

აისრულეს, სრულად გაამქვანეს, ეს იყო სიბუღილი ქართველებისა, და ყოველივე ქართულისადმი. სწორედ ამის გამო იყო, რომ ბოლო ორი წლის მანძილზე თუ რამე შექმნეს ცხინვალში ეს შეიარაღებული ძალებია, საშუალოდ ისიც კვლავ ჩვენი დათმობის, დაგომის 1992 წლის 24 ივნისის რუსეთ-საქართველოს ხელშეკრულების ნიშნავზე. ჩვენი სამხედროები, უხვად რომ აყრიან სამხრეთზე ვარსკვლავები, ქართულ შეიარაღებულ ძალებში ვერ მოძებნიან ისე გაწვრთნილ, ორგანიზებულ, შეჭურვილ ქვეყანაყოფს როგორც დღეს ოსებს ჰყავთ. ეს ათამამები კაბისოვებს და აბრამეებს ხალხს, რომელსაც ამ ავასეებისა სჯერათ და არ სჯერათ საბედნიეროდ მათ შორის კანტიკუნტად შემორჩენილი საღად მოაზროვნე ადამიანებისა.

ოს მეცნიერ ვასო აბაევს, რომელმაც ქართველებს ამაგი არ დაუწიხლა და ამით საკუთარი ხალხის სულიერი გადარჩენის გარანტიად დარჩა, ერთ-ერთ თავის შრომაში უარყოფითი დამოკიდებულება აქვს გამოთქმული სამხრეთელ ოსთა ავტონომიის მიმართ. მაშინა იგი გაუდმებული სისხლისღვრის მიზეზად, რადგან კარგად იცის რომ მისი თანამემამულენი სწორედ ავტონომიური ტრამპლინიდან აპირებენ კავკასიონზე გადასტომას, უფრო სწორად მის ფეხქვეშ ამოიწარს. რომ არა ზემოთხსენებული დათმობები, რომელიც ჯერ-ჯერობით დაგომისით დასრულდა (დასრულდა კი?) დღეს „მოსხენების“ ავტორებს და მათ მიმდევრებს საგრძნობლად დაბალი რეიტინგი ექნებათ, ხოლო ვასო აბაევს,

ჩვენი პუბლიკაციის - «კაცს კალით აბიჯებენ, თითქოს გიჟების დეფისიბი გვქონდეს» კვალდაკვალ

ჩვენი გაზეთის წინა ნომერიში გამოქვეყნებულ სტატიას სათაურით — «კაცს ძალით აბიჯებენ, თითქოს გიჟების დეფისიბი გვქონდეს», რომელიც მკვარებოდა ქალაქ რუსთავეის ცხოვრების პაატა კახიანის მონათხრობს და რადგან ჩათვალეთ, რომ საჭირო იყო სტატიის სასწრაფოდ გამოქვეყნება, მაშინ ვერ მოვახერხეთ ინფორმაციის მიღება რუსთავეის შინაგან საქმეთა განყოფილებიდან და თბილისში ასათიანის ქუჩაზე მდებარე ფსიქიატრიული საავადმყოფოში. სამწუხაროდ, პუბლიკაციის შემდეგ აღნიშნულ დაწესებულებებს ამ საკითხთან დაკავშირებით რაიმე განმარტება არ მოუწვდიათ. ამიტომ, ობიექტური სურათის შესაქმნელად ვეწვიეთ რუსთავეის შინაგან საქმეთა განყოფილებას და ვესაუბრეთ გამოძიებელ ალიკ გვარამეს. მან თქვა, რომ პაატა კახიანი ამჟამად იმყოფება თბილისის №1 საავადმყოფოში იზოლიატორში. მის მიმართ აღძრულია სისხლის სამართლის საქმე საქართველოს რესპუბლიკის სისხლის სამართლის კოდექსის 228-ე მუხლის იმ ნაწილით — (ხულიგნობა), რისი საფუძველიც შეიქმნა რუსთავეის მესამე რუსული თანამშრომლის საჩივარი, რომლის საწინააღმდეგოდც საჩივარი რუსთავეის შინაგან საქმეთა განყოფილებაში შეტანილი ჰქონდა თავად პაატა კახიანსაც. საქმე მოუკვლევი უბნის ინსპექტორს, რის შემდეგაც ერთი მომჩივანი დააპატიმრეს, მეორე კი, რომელიც გაგრის მცხოვრებია და

აფხაზეთის ამბების გამო რუსთავეის მესამე სკოლაში მუშაობდა, გამოძიებლის თქმით, აფხაზეთში გაემგზავრა. გამოძიებელმა განაცხადა, რომ მესამე რუსული საშუალო სკოლის საფინანსო საკითხებს იკვლევს შესაბამისი სამსახური. თქვა, რომ აღნიშნულ საკითხთან დაკავშირებით სამართალდამცავი ორგანოების მხრიდან კანონი არ დარღვეულა და შეუძლებელია კახიანის მიმართ მათ რაიმე ბოროტი განზრახვა ჰქონოდათ. აქვე, საჭიროდ მიმჩნია, გადმოგცემ ბატონი გვარამეს მიერ მონაყოლი ერთი ფაქტი: სპეციალური ტრანსპორტის ნაკლებობის გამო ფსიქიატრიულ საავადმყოფოში მას კახიანი მეტროთი წაუყვანია. გამოძიებლის თქმით კახიანმა გზაში მოქალაქეების მისამართით მოწოდებებს მიმართა და უწესრიგობა გამოიწვია. მეტრო სადგურ დელისთან მათთან მისულან გვარდიელები, რომლებსაც დადგენილი მეთოდების სურათები ეკეთათ. გამოძიებელს მათთვის უთქვამს, რომ კახიანმა აფხაზეთიდან ღტოვლილ ქალს სცემავო, რის შემდეგაც გვარდიელებს კახიანი სასტიკად უცემიათ.

— ძლივს გამოვგლიჯე ხელიდან, — თქვა გამოძიებელმა.

ალბათ, როცა ბატონი გვარამე ამბობდა, კახიანის მიმართ სამარ-

თალდამცავი ორგანოების მხრიდან კანონი არ დარღვეულა, ამ ფაქტსაც არ გულისხმობდა.

მოკლედ, აღძრულ საქმეზე სიტყვა მართლმსაჯულებას ეკუთვნის და ჩვენ სხვა ფაქტების მოტანისაგან თავს შევიკავებთ.

ფსიქიატრიულ საავადმყოფოში შევხვედით საავადმყოფოს მთავარ ექიმს ბატონ აბელ მამარდაშვილს. მან პასუხის გასაცემად სელექტორით მოიძიოვა პაატა კახიანის ავადმყოფობის ისტორია. იგი დაავადებული ყოფილა ეპილეფსიით. კითხვას, რატომ უნდა აღმოჩენილიყო ეპილეფსიით დაავადებული ადამიანი ფსიქიატრიულ საავადმყოფოში აღნიშნული გარემოების გათვალისწინებით, ბატონმა აბელმა უპასუხა, რომ პაატა კახიანს ახასიათებს აგრესიული მოქმედებები და მილიციას აქვს უფლება ასეთ მდგომარეობაში მყოფი ადამიანი ფსიქიატრიულ საავადმყოფოში მოიყვანოს. თუმცა ბატონი აბელისათვის უცნობი იყო კახიანის მიერ ჩადენილი აგრესიული მოქმედებები. მან აგრეთვე კატეგორიულად უარყო საავადმყოფოში გასულ წელს მისი წამების ფაქტები. (უნდა აღინიშნოს, პაატა კახიანთან ერთად მისი დედაც ამტკიცებს, რომ საავადმყოფოდან გასვლის შემდეგ კახიანს ერთი კვირის მანძილზე ეტყობოდა ყვლზე თოვლის ნაჭდველი, რომ დედის თანდასწრებითაც ფიზიკური ზემოქმედებით აიძულებდა

სანიტარი კახიანს გადაეცემა რაღაც აბები). თუმცა ბატონმა აბელმა ყოველივე უარყო.

— თქვენ თვითონ შეგიძლიათ შეხედეთ და დარწმუნდეთ რა მდგომარეობაში იმყოფებიან ჩვენთან ავადმყოფები, — თქვა მან.

— ე.ი., მე შემიძლია დავათვალიერო? — გვითხე მე.

— არა, — თქვა მან, — ამისთვის საჭიროა სპეციალური ნებართვა.

ბატონი აბელის თქმით, კომისიას, რომელმაც ამბულატორიული ექსპერტიზა ჩაუტარა კახიანს, საბოლოო დასკვნა არ გამოუტანია. კომისიის გადაწყვეტილებით დასკვნისათვის საჭიროა კახიანის ერთგვანი სტაციონარული გამოკვლევის ჩატარება ფსიქიატრიულ საავადმყოფოში.

— ეს თავად კახიანისთვის იქნება სასარგებლო, — განაცხადა ბატონმა აბელ მამარდაშვილმა. — შეურაცხადს არ გაასამართლებენ.

ჩვენი გაზეთის წინა ნომერში გამოქვეყნებული კახიანის მონათხრობის შემდეგ ვალდებულნი ვიყავით მოგვეწოდებინა რუსთავეის შინაგან საქმეთა განყოფილებისა და თბილისის ფსიქიატრიული საავადმყოფოს განმარტებები.

პახტანა კომახიძე

კრედიტები კვლავაც ძველებურად გამოაქვთ და არც მისი გაზარჯის კონტროლზე იკლავს ვინმე თავსო.

დღეს ჩვენში ბევრს ლაპარაკობენ საბანკო სისტემაზე და მის როლზე ქვეყნის ეკონომიკის განვითარების თავისუფალ საბაზრო ურთიერთობების ჩამოყალიბების საქმეში და ამ შემთხვევაში ბანკის როლის იგნორირება არც შეიძლება. უბრალოდ, ფრიად საეჭვოა, რომ დღეს ჩვენში არსებული საბანკო სისტემა თავისი ბიუროკრატიული აპარატით და სოციალისტური რეჟიმის დროინდელი სტრუქტურით ქვეყნის ეკონომიკის განვითარების საქმეს სასიკეთოდ წაადგეს. მეტიც, უფრო პირიქით კი შეიძლება მოხდეს. ე. წ. ფულის გაცოცხლების, გადარიცხვების არსებული მაქინაციების და სხვა უამრავი, ბიზნესმენტათვის, და მეწარმეთათვის სწლისშემსუთავი, კანონიერი (ანუ ნებადართული) მაგრამ თავისი არსით წმინდა კომუნიტურ-ბიუროკრატიული ოპერაციებით, საქმეში ჩახედული ადამიანების მტკიცებით, სხვებთან ერთად სწორედ ბანკი ანგრევს ჩვენს ეკონომიკას და წარმოშობს იმ ზიანზიჯვებს, დღევანდელ ეკონომიკაში რომ აქვს ფესვი გადებული და ქვეყანას უფსკრულისაკენ მიაქნებს.

სოციალიზმის დაანგარიშებით, დღეს ჩვენში ადამიანის სასიცოცხლო მინიმუმი, თუ არ ვცდები 185 ათასი კუპონი უნდა იყოს, საშუალო ხელფასი კი სადღაც 14 და 20

რედაქტორისაბან: პაატა

კახიანს მეც დიდხანს ვესაუბრე. ჩემი შთაბეჭდილებით იგი საკვებით ნორმალური, არა თუ მხოლოდ სალი ჭკუის, ერთობ ჭკვიანი და პატიოსანი ახალგაზრდაა. მისი მონათხრობის გამოქვეყნების შემდეგ, გვეგონა მის გასაჭირს რუსთაველები გულთან მიიტანდნენ. ეს ჩვენი „სამართალდამცავები“ კი აღგნენ და მარტივად გადაწყვიტეს საკითხი — გათოკეს...

მომჩივანი, რომელიც ორმხრივი ჩხუბის დროს გარტყმისთვის ჩივის თურმე მილიციელთა თქმით გაგრაში წასულა... კახიანი კი დაპატიმრებული ჰყავთ... (იმერეთში იცის როდის ჩამოვა მომჩივანი და როდის დაუპირისპირებენ ერთმანეთს).

კარგია როცა ერთი ალიყურისათვისაც კი კაცს იჭერენ, თუმცა ცუდია, როცა პატრონიანი მკვლელები დაუსჯელად გარეთ დანავარდობენ...

ასე მაგალითად. ამას წინათ მოქალაქე მეწვია, რომელმაც განაცხადა ადგილი, დრო, როცა ახალგაზრდამ ახალგაზრდა მოკლა. დაასახელა მკვლელის ვინაობა და აღნიშნა, ეს ამბავი ვაუწყებ ქალაქის მილიციის სამმართველოს, მკვლელი ჩემი მეზობელია და თითქმის ერთი წლის განმავლობაში დაკითვავსაც კი არ წაუყვანიათო. მკვლელობა, რომლის შემსწრე არსებობს და ყველაფერს დაწვრილებით ყვება, გაუხსნელია...

უპატრონო კახიანს კი ციხე, ან უკეთეს შემთხვევაში საგიჟეთი... ადამიანის ბედზე თამაში არ შეიძლება, გაიგეთ, ბატონებო!

306 ანბრეპს ეკონომიკას?

ამ რამდენიმე ხნის წინათ ჩვენს გაზეთში გამოაქვეყნე წერილი, რომელშიც შევეცადე გამეანალიზებინა კუპონის შემოღებასთან დაკავშირებული საკითხები და კერძოდ, თვითნებური ხელისუფლების შესაბამისი ორგანოების მუშაობა პირველი ეროვნული ფულის (სუროგატის) განმტკიცებისათვის და ასეთი სამწუხარო დასკვნაც გამოვიტანე: ქვეყანაში ხელისუფლების არცერთი ორგანო, ვისაც ეს ევალება, არ ზრუნავს კუპონის განმტკიცებისათვის და პირიქით კი ხდება — მეთქი.

ჩვენდა სამწუხაროდ, დღეს, როცა კუპონის კურსი მანეთთან მიმართებაში უკვე ათი ერთთან და უფრო მეტიც გაზრდილი (ათი კუპონი — ერთი მანეთი) და აშკარად გამოინახა ამისი კონტურები, რომ კუპონის დეფლაცია კიდევ უფრო სწრაფი ტემპებით განვითარდება, ხელისუფლების ორგანოები კვლავ უმოქმედობას არჩევენ და ფასების რეგულირებას და კუპონის კურსის განსაზღვრას მთლიანად შავ ბაზარს და ე.წ. გადამცემულ ჯიბურებს მიაბრალებს.

თუმცა, უმოქმედობას ვინ ჩივის, როცა პირიქით, ცეცხლზე ნავთსაც ასხამენ ხოლმე. სწორედ ნავთის დასნამა გაზრდათ ამასწინანდელი ნაბიჯი მინისტრთა კაბინეტისა, რომელმაც მოსახლეობის კეთილდღეობაზე ზრუნვის საბაბით ხელფასები ასი პროცენტით გაზარდა, მაგრამ მოსალოდნელი შედეგები ვერ (არ) გაითვალა და რომლის დამღუპველი შედეგებიც დღეს უკვე სახეზე გვაქვს. მიმოქცევაში 50 მილიარდი კუპონის შემოღებამ კიდევ უფრო გაამძაფრა სიტუაცია, გაამყარა მანეთი და ხელფასების მომატებით ვითომდაც დაიმედებულ მშრომელ კაცს ყელში კიდევ უფრო გამეტებით წაუჭირა ყულფი.

ისეთი შთაბეჭდილება რჩება, რომ ვიღაც შეგნებულად ანგრევს ჩვენს ეკონომიკას, ვიღაცას სურს, რომ სოციალისტური ზღვრამდე მიგვიყვანოს და ბოლოს, როცა სულის ამოდრობამდე მივა საქმე, ყველაგამოწურვებმა შევხვეწოთ რომელიმე მეზობელს, მიშველე და სამუდამოდ გემონებო.

მაგანნი და მაგანნი დღევანდელ ჩვენს სამარცხვინო მდგო-

მარეობასაც კი მოუძებნიან მათი აზრით ობიექტურ ახსნას და იმპერიის რღვევის შედეგებს, ყოფილ საბჭოთა კავშირის რესპუბლიკებთან ურთიერთობების (ეკონომიკური კავშირების) გაწყვეტას, ქვეყნის შიგნით გამეფებულ ქაოსს მოიშველიებენ საბუთად და ერთი შეხედვით მართალიც იქნებიან, მაგრამ იმაზე კი ხმას არ ამოიღებენ, რომ ამ მდგომარეობამდე დღევანდელმა ხელისუფლებამ ნებით თუ უნებლიეთ, ზოგჯერ და ყველაზე საკლალლო ის არის, რომ არც უკეთესი მომავლის პერსპექტივა ჩანს სადმე.

ყველას გვახსოვს ამ რამდენიმე ხნის წინათ პარლამენტში გამართული ცხარე დისკუსიები ბანკიდან კრედიტების გაცემის თაობაზე და ისიც კარგად ვიცით, რომ შეიქმნა საპარლამენტო კომისია ამ კრედიტების გაცემის მიზანშეწონილობისა და მათი მიზანმიმართული გამოყენების შესწავლის მიზნით. მე არ ვიცი, რას იძიებს კომისია და ეს ჩემი, რიგითი მოქალაქის, კომპეტენცია არ გახლავთ, მაგრამ ის კი ვიცი, რომ, როგორც ხალხში ამბობენ (ხალხში ნათქვამი კი ნახევარი მაინც სიმართლეა)

ათასს შორის მერყეობს და თუ იმასაც გავითვალისწინებთ, რომ ინფლაცია ყოველდღე ღრმავდება და მანეთსა და კუპონს შორის არსებული სხვაობა დღითიდღე იზრდება, შესაბამისად კი ფასებიც მატულობს, ადვილად შეიძლება დავასკვნათ, რომ ქვეყნის მოსახლეობის 80 პროცენტზე მეტი უკვე სიღატაკის ზღვარზეა და ხვალ და ზეგ ამ ზღვარსაც გასცდება.

ცალკე პრობლემაა უმუშევართათვის სოციალური დახმარების გაწევისა და შემდგომში მათი გადამზადებისა და დასაქმების პრობლემა, თუმცა მანამდე უმუშევართა აღრიცხვის საკითხებია მოსაგვარებელი, რადგან დღეისათვის მათი ზუსტი რაოდენობა არცაა ცნობილი.

ყველაფერი ეს კი საერთო ეკონომიკური ვითარების ფონზე ქმნის იმის რეალურ საშიშროებას, რომ თუ კვლავაც ამ ტემპებით გაგრძელდება ქვეყნის ეკონომიკური დაცემა, მოხდება სოციალური აფეთქება, რომელიც ყველა რეგულაციას და აჯანყებაზე უარესია და რომელიც წალეკავს ყველაფერს და ყოველივეს.

ეს რომ არ მოხდეს, ხელისუფლება ვალდებულია ხელში აიღოს ქვეყნის მართვის სადავეები და მოაგვაროს აღნიშნული პრობლემები და თუ არ შეუძლია ეს, ისიც გვითხრას.

საბაზრო ეკონომიკას — ეკონომისტი ჟურნალისტები

დღეს, როდესაც საქართველო დაადასტურა საბაზრო ეკონომიკაზე გადასვლის გრძელ და რთულ გზას, მრავალი პრობლემის გადაწყვეტა უხდება პირველად, ახლებურად. ამ პრობლემათა შორის ერთ-ერთ მთავარ და ძნელად გადასაღებად პრობლემად გვეჩვენება მოსახლეობისათვის, განსაკუთრებით კი ახალგაზრდობისათვის საბაზრო ეკონომიკის, საბაზრო სამეურნეო მექანიზმის და მასთან დაკავშირებული თეორიული და პრაქტიკული ასპექტების შესწავლა. თუ განვითარებული საბაზრო მეურნეობის ქვეყნებში საბაზრო ეკონომიკის პირობებში ცხოვრებისათვის აღზრდა თითქმის დაუბადებლად იწყება და ეს ბუნებრივ მოვლენად ითვლება, ჩვენთან მრავალი სუბიექტური და ობიექტური მიზეზების გამო ასე არ ხდება, უფრო მეტიც, ხელოვნურად გამოგონილი იდეოლოგიური შეუთავსებლობის გამო ათწლეულების მანძილზე ჩვენს ახალგაზრდობას ვუმალავდით კიდევ საბაზრო ეკონომიკის არსებობას, საერთოდ ბაზრის, საქონლის და მასთან დაკავშირებული სასაქონლო ფულადი ურთიერთობის არსებობას. ჩვენი არასრულყოფილი, პრაქტიკული ცხოვრებისათვის გამოუსადეგო განათლების სისტემის წყალობით დღესაც კი ახალგაზრდობა ისე ამთავრებს ზოგადსაგანმანათლებლო საშუალო სკოლას, რომ ეკონომიკაზე საერთოდ და საბაზრო ეკონომიკაზე, კერძოდ, არაფერი არაფერს აგებინებს და, მაშასადამე, არავითარი წარმოდგენა არა აქვს მასზე. ასევე მანკიერი პრაქტიკა იყო გამეფებული ცხოვრებაშიც. მოსახლეობამდე ინფორმაციის ყველა საშუალებით მიგვქონდა სრულიად დაუსაბუთებელი დებულებები იმის შესახებ, რომ რაც დაკავშირებულია ბაზართან, საბაზრო მეურნეობასთან, ყველაფერი ცუდია და მიუღებელი, შეუფერებელი სოციალიზმის მშენებელი ადამიანისათვის. რამდენი ადამიანის შრომა და ენერგია, რამდენი ქაღალდი და სხვა მატერიალური თუ ფულადი საშუალება დაიხარჯა, რამდენი ადამიანის სიცოცხლე შეეწირა იმის მტკიცებას, რომ სოციალიზმი და სასაქონლო მეურნეობა შეუთავსებელია ერთმანეთთან. თუ ვინმე გარკვეულ კომპრომისზე წავიდოდა, მხოლოდ იმ ზომამდე იყო დასაშვები, რომ ემტკიცებინა — სოციალიზმის დროს სასაქონლო ფულად ურთიერთობას შეზღუდული ხასიათი აქვს...

ეს ყველაფერი წარსულია და ახლა ხვალისდღე დღეზე უნდა ვიფიქროთ. მაგრამ, სამწუხაროდ, დღევანდელ დღეს მეორე უკიდურესობამდე მივყავართ (და ეს

ხვალისდღე დღისათვის უფრო ცუდია) — საბაზრო მეურნეობას, საბაზრო სამეურნეო მექანიზმს სასწაულებრივ თვისებებს მივაწერთ და გვაიწყობება, რომ საბაზრო მეურნეობაზე გადასვლა ჩვენს ქვეყანაში (და სხვაგანაც) ეკონომიკური რეფორმის ძირითადი მიზანი კი არა, ამ მიზნის მიღწევის ერთ-ერთი საშუალებაა, გვაიწყობება, რომ საბაზრო მეურნეობა პანაცეა არ არის. ხშირ შემთხვევაში ყველაფერი ეს ხდება დილემანტურ დონეზე არაპროფესიონალების და მედროვეების მიერ. დღეს ბევრი გამოჩნდა, რომელთა შემეცნებითი საზღვარი საბაზრო მეურნეობის შესახებ სასოფლო-სამეურნეო პრობლემების ბაზარზე თათრის ქალისაგან წიშმტის ყიდვის ურთიერთობას რომ ვერ გასცილებდა და სადაც კი მიუწვდებოდა ხმა თუ ხელი, საბაზრო მეურნეობის სასწაულებრივ თვისებებზე ლაღადებს, სხვას ასწავლის და სხვას უწერს მოსხენებებს მის შესახებ. მეორეს მხრივ, გვეყვას ხალხი, რომელსაც მთელი თავისი საქმიანობის ძირითადი თემად საბაზრო მეურნეობაზე ლაპარაკი გაუხდია, ფაქტურად კი არაფერს აკეთებს მასზე გადასასვლელად, პირიქით, სხვებსაც კი ხელს უშლის.

საბაზრო მეურნეობის პრობლემის შესწავლის საქმეში არასახარბიელო მდგომარეობა გვაქვს საშუალო-სპეციალურ და უმაღლეს სასწავლებლებშიც. ამ ბოლო ორი წლის განმავლობაში შეინიშნება გარკვეული ძვრები, არის ცალკეული ინიციატივები და პრაქტიკული ქმედებები. ეკონომიკური პროფილის უმაღლეს სასწავლებლებში შემოღებული იქნა ზოგიერთი საგნის წაკითხვა, რომელიც მიმართულია საბაზრო მეურნეობისათვის დამახასიათებელი თეორიული და პრაქტიკული პრობლემების შესწავლისაკენ, მაგრამ ეს ყველაფერი დასაწყისია და თანაც არასაკმარისი. შეიძლება თამამი განცხადება იყოს, მაგრამ გვეჩვენება, რომ დღეს საქართველოში, ისევე, როგორც არა გვაქვს საბაზრო ეკონომიკურ ურთიერთობებზე გადასვლის ერთიანი დამუშავებული, სპეციალისტებისა და მოსახლეობის მიერ განხილული და მოწონებული პროგრამა, ასევე არა გვაქვს საბაზრო ეკონომიკის თეორიული და პრაქტიკული პრობლემების ფართო სპექტრის შესწავლის ერთიანი კონცეფცია, პროგრამა.

ჩვენი აზრით, უკვე დიდი ხანია რაც დადგა იმის აუცილებლობა, რომ საქართველო საშუალო, საშუალო-სპეციალურ და უმაღლეს სასწავლებლებში, მოსახლეობაში თავისი კუთვნილი ადგილი დაიკავოს საბაზრო ურთიერთობების, საბაზრო სამეურნეო მექანიზმის პრობლემების შესწავლაში. რატომ

არ შეიძლება მარტივი, გასაგები ენით ვასწავლოთ ეს საკითხები სკოლებში, რატომ არ შეიძლება სწავარბოებში, დაწესებულებებში, ფერმებში და სხვაგან ჩამოვაყალიბოთ ამ პრობლემების შემსწავლელი სემინარები, სკოლები? მაგალითისათვის უნდა მოვიყვანოთ გორის №1 საკონსერვო ქარხნის დირექციის კარგი წამოწყება, სადაც ასეთი სემინარების ჩატარებას დაედო სათავე და ვფიქრობთ ცუდად არ მიმდინარეობს მუშაობა.

თუ გვინდა, რომ ჩვენი ეკონომიკის განვითარების დონით რაც შეიძლება მაღე ამოვუდგეთ გვერდში მსოფლიოს მოწინავე ქვეყნებს, ასეთი სწავლება დღესვე უნდა დაიწყეთ, თუნდაც, რაც შეიძლება მაღალი ტემპებით. მართალია, დაგვიანებულია, მაგრამ თანმიმდევრული, ორგანიზებული და გააზრებული მუშაობით შესაძლებელია დაკარგული დროის მოკლე პერიოდში ანაზღაურება.

ზემოთ აღნიშნული და სხვა პრობლემების მოგვარების ერთ-ერთ შემადგენელ ნაწილად მიგვაჩნია საბაზრო ეკონომიკის თეორიისა და პრაქტიკის ცოდნით აღჭურვილი უმაღლესი კვალიფიკაციის ეკონომისტ-ჟურნალისტის სპეციალისტების მომზადება.

ჩვენ არ შევუდგებით კონკრეტული ფაქტების ჩამოთვლას, რომლებიც დაგვიხატუბდა თუ რაოდენ საჭირო და აუცილებელია ღრმა ეკონომიკური ცოდნა ჟურნალისტისათვის, რომელიც ქვეყნის საშინაო თუ საერთაშორისო ეკონომიკურ საკითხებზე მუშაობს. აღვნიშნავ მხოლოდ, რომ ეკონომიკური დარგის ჟურნალისტიკამ თავისი კუთვნილი ადგილი უნდა დაიკავოს მომავალ საქართველოში საბაზრო ურთიერთობის ჩამოყალიბებასა და განვითარება-განმტკიცების საქმეში. ვფიქრობ, საწყენად არავის დარჩება თუ ვიტყვი, რომ ჩვენს მომავალ ჟურნალისტებს ეკონომიკურ საკითხებს, კერძოდ კი საბაზრო ეკონომიკის საკითხებს არ ვასწავლით. გადახედეთ ჟურნალისტიკის ფაკულტეტის დღევანდელ სასწავლო გეგმებს და ნათლად დარწმუნდებით მასში. მთელი ხუთწლიანი მოცულობის სასწავლო პროგრამაში ეკონომიკური პროფილის მხოლოდ ერთი საგანი (ეკონომიკური თეორიის საფუძვლები) იკითხება, შედეგებს კი ყოველ ნაბიჯზე ვხვდებით. ის, რომ ტელეჟურნალისტი იურიდიულ კანონს საკუთარების შესახებ ძირითადად ეკონომიკურ კანონს უწოდებს და ინტერვიუებისაგან უფლებას იტოვებს, როდესაც პარლამენტში მიღებული იქნება სხვა ეკონომიკური კანონები, კიდევ შეხედებთან (ალიონი

18.06.93 წ.), აღნიშნულის პირდაპირი შედეგია: ეკონომიკურ კანონებს ხელისუფლება არ ღებულობს და ვერც მიიღებს. განსაკუთრებით გამოვლინებას პოულობს ეს მდგომარეობა რაიონულ პრესაში, რადიო და ტელეგადაცემებში.

ერთი საკითხიც, საბაზრო ურთიერთობის, საბაზრო სამეურნეო მექანიზმის პრობლემების შესწავლის საქმეში უდიდესი როლი მიეკუთვნება საზღვარგარეთის განვითარებული ქვეყნების სამეცნიერო და სამეცნიერო-ეკონომიკური ლიტერატურის ცოდნას. მაგრამ, სამწუხაროდ, საქართველოში, თანამედროვე გლობალური კრიზისის პირობებში, განსაკუთრებით იგარბნება მშობლიურ ენაზე საზღვარგარეთის სამეცნიერო ლიტერატურის საერთოდ და კერძოდ, სამეცნიერო-ეკონომიკური ლიტერატურის კრიზისი. დღემდე მიჩვეული ვიყავით, რომ საზღვარგარეთის ლიტერატურა რუსეთის მეშვეობით უნდა შემოსულიყო ჩვენში, ჯერ უნდა თარგმნილიყო რუსულ ენაზე და მერე რუსულ ენაზევე გავრცელებულიყო ჩვენშიც. საქართველოში ხომ საზღვარგარეთული ეკონომიკური ლიტერატურის თარგმნა ქართულ ენაზე თითქმის არ მიმდინარეობდა, მისი თარგმნა თუნდაც რუსულიდან ზედმეტ შრომად ითვლებოდა. ამან, რა თქმა უნდა, უდიდესი ზიანი მიაყენა ქართულ ეკონომიკურ აზროვნებას და სავეალაოა ის ფაქტი, რომ ეს მანკიერი პრაქტიკა დღემდე გრძელდება. თანამედროვე პირობებში, როდესაც საზღვარგარეთის ეკონომიკური ლიტერატურის ჩვენთან შემოსვლის რუსეთის გზაც თითქმის გადაიკეტა, აუცილებელი ხდება საზღვარგარეთის სამეცნიერო-ეკონომიკური ლიტერატურის ქართულ ენაზე თარგმნა, ამისათვის კი საჭიროა შესაბამისი კვალიფიკაციის სპეციალისტების მომზადება. ვითვალისწინებდით რა ზემოაღნიშნულ პრობლემებზე

ბის აქტუალობას, ხვალისდღე საქართველოსათვის, ჩვენ ვერ კიდევ გასული წლის ნოემბრის თვეში ვთხოვეთ განათლების სამინისტროს, უფლება მოეცა 1993—94 სასწავლო წლიდან დაგვეწყო სტუდენტთა მომზადება ჟურნალისტიკის შემდეგ სპეციალობებზე:

1. ეკონომისტი-ჟურნალისტი;
2. საერთაშორისო ეკონომიკური მიმომხილველი;
3. დარგობრივი სამეცნიერო ეკონომიკური ლიტერატურის თარგმნა.

ჩვენს წამოწყებას ამ მიმართულებით მხარი დაუჭირა მუდმივ სასწავლო მეტოდური და სამეცნიერო დახმარების გაწევი ივანე ჯავახიშვილის სახელობის თბილისის სახელმწიფო უნივერსიტეტის ჟურნალისტიკის ფაკულტეტმა თავისივე წამყვანი მეცნიერ-სპეციალისტებით, ფაკულტეტის დეკანის პროფესორ ნ. ტაბიძის ხელმძღვანელობით. ჩვენ ყველა პირობა გვაქვს ჩამოთვლილი სპეციალობების მიხედვით მაღალი კვალიფიკაციის კადრების მომზადებისათვის.

იმედს ვიტოვებთ სათანადო უწყებას არ შეგვიშლის ხელს ამ საკითხის დადებითად გადაწყვეტაში.

ზაურ თეთრაშვილი

— გორის ეკონომიკურ-უმანობრივი უმაღლესი კოლეჯის (ინსტიტუტის) რექტორი, ეკონომიკურ მეცნიერებათა დოქტორი, პროფესორი.

სოლომონ ხუციშვილი

— ფილოლოგიის მეცნიერებათა დოქტორი, პროფესორი.

დავით თევზაძე

— ფილოლოგიის მეცნიერებათა დოქტორი, პროფესორი.

ზოთა გაბოშიძე

— ფილოლოგიის მეცნიერებათა დოქტორი, პროფესორი.



ფიქრები სარჩელ აუდიტორიაში

სერ იუნსტონ ჩერჩილს, პრემიერ-მინისტრად, ყოფნისას მეგობარმა თხოვნით მიმართა ეშუამდგომლა ერთ-ერთი კოლეჯის პროფესორთან შვილის შესახებ, რომელიც თურმე ზედმეტად ემოციური ახალგაზრდა ყოფილა და ნერვიულობისაგან გამოცდაზე იბნეოდა. ჩერჩილმა ანგარიში გაუწია მეგობრის წუხილს და კოლეჯის პროფესორს სთხოვა გამოცდისას ამ ახალგაზრდისათვის შეექმნა მშვიდი ატმოსფერო — არც მეტი და არც ნაკლები. და აი, მოხდა ჩვენთვის დაუჭერბელი რამ: პროფესორმა თავი შეურაცხყოფილად ჩათვალა, რომ, ჰკუას არიგებდნენ თუ როგორ ჩატარებინა გამოცდა. ეს პროფესორის ეთიკის შეურაცხყოფად იქნა მიჩნეული და საქმე ალბათ სასამართლომდეც მივიდოდა ჩერჩილს რომ ბოდიში არ მოეხადა განაწყენებული პროფესორისათვის.

ეს ამბავი იმიტომ გამახსენდა, რომ დღეს, ჩვენდა სავალალოდ, დაირღვა ის ჯანსაღი ეთიკურ-მორალური ატმოსფერო, რითაც გარემოცული იყო აღმართული პროფესორ-მასწავლებელი სტუდენტთა მხრიდან.

80-იანი წლების მიწურულს საქართველოში • დაწყებულ ეროვნულ განმათავისუფლებელ მოძრაობაში სტუდენტ ახალგაზრდობის დიდმა აქტივობამ, იმის თავდაჭერებამ, რომ თითქოს ეროვნული თვითშეგნების გამოღვიძების პროცესი ახალგაზრდობაში უფრო ადრე დაიწყო ვიდრე მის წინამორბედ თაობაში, წარმოშვა უფროსი თაობის მიმართ გარკვეული ნიშნის სტრუქტურული დამოკიდებულება. აღმზრდელსა და აღსაზრდელს შორის გაჩნდა გაუცხოების სინდრომი, რამაც საბოლოოდ წაშალა, ან უკეთეს შემთხვევაში დააკნინა მასწავლებლის, როგორც მოძღვარის ხატი ახალგაზრდობის თვალში.

უგულვეტელყოფილია ის, რომ თუ არა წინა თაობების უდიდესი ძალისხმევა, უჩუბრად შეწირული მრავალი ნიჭიერი კაცის სიცოცხლე, დამოუკიდებლობისათვის ბრძოლა ასე სწრაფად ვერ მოიტანდა შედეგს.

ახალმა სოციალურ-ეკონომიკურმა ურთიერთობებმა საბაზრო ეკონომიკას რომ ახლავს თან, არ უნდა მოსპოს ის უკეთესი მემკვიდრეობა, წმინდა-წმინდა გრძნობა, მასწავლის მხრიდან მასწავლებლის პატივისცემაში რომ გამოიხატება და ადამიანის აღზრდის ქვაკუთხედს წარმოადგენს. მამათა და შვილთა შორის ტრადიციულად არსებული „ბრძოლა“, რაც საზოგადოების პროგრესის აუცილებელ პირობას წარმოადგენს, ძველსა და ახალ შეხედულებებს შორის

მტრულ დაპირისპირებას არ უნდა იწვევდეს, რასაც სულიერ თუ მატერიალურ ფასეულობათა გადასება და რღვევა მოჰყვება ხოლმე შედეგად.

რეალურად კი სულიერი რღვევის პროცესი მივიღეთ, რამაც, როგორც აღვნიშნეთ, მეტად დამამძიმებელ მდგომარეობამდის მიგვიყვანა: სტუდენტი გადაეჩნა თავის ძირითად მოვალეობას — ლექციის მოსმენას, სალექციო თუ სასემინარო მეცადინეობები თითქმის ცარიელ აუდიტორიაში მიმდინარეობს, მოიშალა ელემენტარული სასწავლო დისციპლინა, არავითარი გამამართლებელი მიზეზი აქ არ შეიძლება მოიძებნოს.

სემესტრის განმავლობაში აუდიტორიაში სტუდენტთა ხალვათობა ჩათვლებისა და გამოცდების პერიოდში ხალხმრავლობით იცვლება დერეფნებში. პროტექციონიზმის ძველი სენი დღეისთვის უფრო მეტადაა გაფორმებული.

რამაი საქმე? სად არის მიზეზი? ნუთუ ერთეულების პატიოსანი შრომა იხსნის ყოვლისმომცველ უფიცობას, ნუთუ კიდე ვინმეში ეჭვს იწვევს ის ფაქტი, რომ საბაზრო ურთიერთობათა ხანაში ყალბი დიპლომი სოციალურ გარანტიად არ გამოიჭება საზოგადოებაში, სადაც ადამიანის საქმიანობა და მატერიალური უზრუნველყოფა მხოლოდ მისი უნარითა და ცოდნით განისაზღვრება?

ნუთუ კიდევ ვერ შევიგნეთ რომ ნგრევის პერიოდი უკვე დამთავრდა და იწყება ახალი საზოგადოების შენების პერიოდი, ახალი პოლიტიკური, სოციალური და ეკონომიკური ურთიერთობებით, რომელთაც მხოლოდ უმაღლესი პროფესიონალიზმი უდევს საფუძვლად ყველგან და ყველგან?

რით მიიღწევა ეს პროფესიონალიზმი თუ არა ოფლის ღვრით და მუხლჩაუხრელი შრომით, აუდიტორიაში, დაფასთან, წიგნთან, სამკითხველო დარბაზებსა თუ ბიბლიოთეკებში მუშაობით.

უპირველესად განათლების ახალი მოდელის შესახებ, რომლის გარშემოც პრესაში უკვე გამოითქვა ვრცელი და საფუძვლიანი მოსაზრებები („განათლება“ 12.02.1992). წარმოდგენილი უწყვეტი განათლების სისტემის ახალი მოდელი, დაფუძნებული ერთიან საგანმანათლებლო პოლიტიკაზე, გული-სხმობს ახალ მიდგომას სკოლამდელი, ზოგადსაგანმანათლებლო, პროფესიულ-ტექნიკური და უმაღლესი სასწავლებლებში სწავლების პროცესებისადმი შესაბამისი ახალი კონცეფციების შემუშავების გზით. ჩვენ არ შევჩერდებით სასკოლო განათლების კონცეფციებზე. ისე კი შევნიშნავთ, რომ სავსებით

სწორია მოზარდის პროფესიული ორიენტაცია დაიწყოს ზოგადსაგანმანათლებლო სკოლიდან დაწყებული საშუალო სკოლის 10—11 კლასში) ე. წ. პროფესიული სკოლებში. აქ უნდა მოხდეს პროფესიულ-ტექნიკური განათლების შერწყმა პროფილურ სწავლებასთან, რაც, ერთის მხრივ, მეტად განუმტკიცებს ახალგაზრდას მისი არჩევანის სისწორეს, და მეორეს მხრივ, თეორიულ სწავლებასთან ერთად ის დაეუფლება შესაბამისი კონკრეტულ პროფესიას. ეს მისი სოციალური დაცვის გარანტიაც იქნება საზოგადოებაში. ამით პროტექციონიზმი განათლებაც მოექცევა უწყვეტ განათლების სისტემაში.

პროფილური სწავლების იდეა უნდა იქცეს უწყვეტი განათლების სისტემის საფუძვლად, რაც უზრუნველყოფს უმაღლესი სასწავლებლებში პროფესიულად უკეთ ორიენტირებული ახალგაზრდის მოსვლას.

ახალ მოდელში უმაღლესი სასწავლებლებში სწავლების პროცესი ორ საფეხურად წარმოდგენილი, რაც ერთ უწყვეტ სისტემადაა გააზრებული. სახელდობრ პროფილურ სკოლიდან წამოსულ ახალგაზრდამ ჯერ უნდა ისწავლოს არასრულ უმაღლესი სასწავლებელში (I საფეხური), რაც ამჟამად არსებულ საშუალო-სპეციალურ სასწავლებლებს უტოლდება და შემდეგ სწავლა გააგრძელოს სრულ უმაღლესი სასწავლებლებში, ე. ი. საშუალო სპეციალური განათლება შერწყმულია უმაღლესი განათლებასთან და წარმოადგენს მის პირველ საფეხურს, რაც ჩვენი აზრით, მიღებულია და აი რატომ: არასრული უმაღლესი სასწავლებელს გაჩნია თავისი დამოუკიდებელი ფუნქციები და მართებულად არის მინიშნებული, რომ მათი გადატანა რეგიონებში გარკვეულ ზღვრებით მომენტს წარმოადგენს საშუალო ტექნიკური განათლების სპეციალისტების მომზადებაში რეგიონების საჭიროებისათვის, რეგიონის ინტელექტუალური ძალების გასაძლიერებლად. მაგრამ ამ საფეხურის აუცილებელი გავლა მაღალნიჭიერი და დიდი ბერსპექტივების მქონე ახალგაზრდისათვის, ჩვენი აზრით, დამამუხრუჭებლად შეიძლება იმოქმედოს მისი ინტელექტის ჩამოყალიბებაზე და დაუკარგოს ის „კეთილშობილური მარცვალი“ მეცნიერების ახალი მიწების დასაპრობად რომ არის გამოწვეული. მეორეს მხრივ, დღეს ცივილიზებულ ქვეყნებში შეინიშნება ვიწრო სპეციალიზირებული უმაღლესი სასწავლებლების დაახლოვება საუნივერსიტეტო განათლებასთან, სადაც წინა ეტაპზე ფუნ-

დამენტური მეცნიერებების სწავლება წამოწყებული. ის რასაც ბატონი კ. ქორიძე, გულისხმობს სრული უმაღლესი სასწავლებლის სახით (უმაღლესი სწავლების მეორე საფეხური), სადაც გათვალისწინებული იქნება სამეცნიერო და სასწავლო პროცესების ერთიანობა, უნდა განხორციელდეს სწორედ ორი საფეხურის სახით.

სრული უმაღლესი სასწავლებლის ორ საფეხურიანობა, ფართოდ რომ არის დანერგილი საზღვარგარეთის უმაღლესი განათლების სისტემაში შემდეგი მოსაზრებითაა განპირობებული. სრულ უმაღლეს სასწავლებელში მოსულ კარგად მომზადებულ და სათანადოდ პროფესიულად ორიენტირებულ ახალგაზრდას დაწყებით I და II კურსებზე (სწავლების პირველი საფეხური) უნდა წაეკითხოს ფუნდამენტალური დისციპლინები შერჩეული სპეციალობის მიხედვით, რაც მას მისცემს მყარ თეორიულ ბაზას, შეუმუშავებს ფართო ინტელექტუალური თვალთახედვის უნარს არჩეული სპეციალობის სხვადასხვა მიმართულებებში ორიენტირებისათვის. პირველ-მეორე კურსზე მიღწეული მაჩვენებლების მიხედვით (მას შეიძლება „სტუდენტური რეიტინგი“ ეწოდოს) უნდა მოხდეს სტუდენტთა კონტინენტის შემდგომი დიფერენციაცია. მეორე საფეხურზე სწავლის გასაგრძელებლად (2-3 წელი). ის ვინც I საფეხურზე გამოამჟღავნებს სამეცნიერო-კვლევითი მუშაობისადმი აგრძელებს სწავლას იმ ჯგუფებში, სადაც სასწავლო პროცესი გაერთიანებული იქნება სამეცნიერო-კვლევით პროცესთან (სწავლების მეორე საფეხური), რომლის წარმართვისათვის მოწვეული იქნებიან სამეცნიერო ინსტიტუტები და მაღალი რანგის მკვლევარი სპეციალისტები ამ ინსტიტუტებში არსებული შესაბამისი მატერიალურ-ტექნიკური ბაზის გამოყენებით. ამ ჯგუფებში საფუძველი უნდა ჩაეყაროს ერის მომავალი ინტელექტუალური კადრების აღზრდას მეცნიერების სხვადასხვა დარგებში.

უწყვეტ განათლების სისტემის ახალი მოდელის წარმატებითი ფუნქციონირებისათვის საჭიროა უმაღლესი სასწავლებლები თანამედროვე მატერიალურ-ტექნიკური ბაზით აღიჭურვონ. ეს, ცხადია, დიდ კაპიტალდაბანდებებს მოითხოვს და რის განხორციელებისათვის, ჩვენი აზრით, საჭიროა მაღალპროფესიული კადრების მიღებით დაინტერესებული საწარმოების მონაწილეობა.

მაგრამ სად ვეძებთ ასეთი სპეციალისტები, რომელთაც თანაბრად ხელეწიფებთ კარგი ქართულით ლექციის წარმართ-

ვა და ამასთანავე თავისი დარგის ფართოდ ერუდირებულ მკვლევარებს წარმოადგენენ? კი ბატონო, მაღლობა უფაღს გვეყავს ასეთი კადრები, მაგრამ განა რამდენი უნდა მოიძებნონ ისინი რომ გასწვდნენ საქართველოში (და მის პერიფერიებში) აგრე რიგად მოზღვაებული ფასიან უმაღლეს სასწავლებლებს?

მარგულთრებელი მექანიზმის არსებობა თავისთავად დახვეწს და შეამცირებს ფასიანი სწავლების უმაღლეს სასწავლებლის რაოდენობას. რომლებიც არ უნდა გადაიქცნენ, როგორც ითქვა, „უპერსპექტივო, დიპლომის მძიმე სტუდენტთა თავშესაფარად“.

არც ერთი შემთხვევა აღნიშნული ელემენტის სწავლების ახალი მოდელის წარმატებითი ფუნქციონირებისათვის არ იქნება თავის სიმალეზე, თუ ისევ და ისევ სტუდენტმა არ შეიგნოს, რომ „ადამიანის ბედნიერების განმსაზღვრელი მოვალეობის შესრულების შედეგად მიღებული სულის მშვიდობა“ (ფიქტ). სწორედ მოვალეობის შეცნობის უნარის დაკარგვამ ახალგაზრდობის გარკვეულ ნაწილში მიგვიყვანა ამ ზნეობრივ გაუკუღმართობამდე, რამაც უწინარესად, თავი იჩინა ცოდნის შეძენისადმი სურვილის დაკარგვაში. არის თუ არა რაიმე ძალა ამ სულიერი ვაკუუმიდან ჩვენი დახსნისა? ხომ არ დაიკარგა ქეშმარიტების ტაძრისაკენ მიმავალი ის გზა დიდი სულიერი განახლებისა და აღორძინებისაკენ რომ მიჰყავს ერი?

დიდი ოპტიმისტი თავისი ერის ბედნიერ მომავალში ღრმად დაწმუხებული სულმანათი ილია გვეუბნება რომ ჯანსაღ ერში ყოველთვის არის „ის ძალა, ის იღუმალი ხმა, რომელიც ყოველთვის ეძახის ადამიანს: წინ წადე! წინ წადე!.. ნეტავი იმ ხალხს რომელსაც არ დაუკარგავს ეგ იმედი განახლებისა და არ გაქრობია უკეთესობის ნდობა...“

რა აახლებს, რა სცვლის და — თუ ცხოვრება ჯანმრთელია — რას მიჰყავს წინ? ცოდნასა, მეცნიერებასა, რომელნიც თვითონვე ცხოვრების ნაყოფი არიან.

თუ ცხოვრება ჯანმრთელია, თუ მასში არის უკეთესობის ნდობა და განახლების ცხოველი იმედი, ეგ თვით დავრდომილის აღმადგინებელი იმედი — მისი ძალა, მისი ძარღვი მარად დაუძინარნი არიან“.

თამაზ ბოხუა

ტექნიკურ მეცნიერებათა
დოქტორი,
პროფესორი



არც ცეკა და სტალინი,
არც სია და ტალონი —
ჭეჭის ასდევნებია
ჭიხურების ტალანი

არც ბუნგა ტყიური,
არცა მყუდრო დარანი —
მხოლოდ კომერციული
ჭიხურების ტალანი;

არც მანანა ციური,
და არც შიოს მარანი —
მხოლოდ იმპორტიული
ნექტრის მიმოტანანი.

შენს სულს
რაღაც სურს,
ინებე —
არ დაგჩქეს დასანანი —

ევროპა თუ აზია,
სნიკერსი თუ ბანანი.
მე კი მკერდში ჩამიკრავს
ჩვენი ხმელი ტარანი.

(ამ განძს შემომნატრებენ
ბევრი ჩემისთანანი).
გვერდზე არც ვიყურები
(გულზე გასკდეს ტალანი),

მივდივარ და მომდევნ
ძალონი მატანტალანი.
ფერადი ჭიხურები,
თუნაწვირის გუბენი,

ერთუროს მისტუბებიან,
ვით ვაგონის კუბენი.
მეწვის თვალთა უბენი,
ჭიხეს მიხევეს კუბონი,

შორს დამჩნა უკუბონი
დღენი უბირჭუბონი.
ზომზომებს და თიმთიმებს
ჭიხურების უბანი,

მანეთების ნიაზე
გავიღდე უბენი.
მივალ წელგამართული,
როგორც ძველი. თუბალი...

ტარანს რა დავაყოლო? —
ალუბალი თუ ბალი...
და მე უცებ დავმძიმდი,
ვით სასეტყვე ღრუბელი

და სხვებსაც დავუბარე
ჩემს გულთან ნაუბარი:
— ველარც კარგი გიშველის,
ველარც მამაუფალი,

მანეთი თუ არა გაქვს
და გაქვს მხოლოდ კუბონი.
არცა ბალს მოგყიდთან,
არც კინძსა და ცერცოს,

თქვენი კანონ-წესები
გინდაც ტუშით სწეროთო.
თუ გაქვს მხოლოდ კუბონი,
ვაქარს გულს ვერ უბონი,

გამკითხველი ვინ არის
უქონლის და უპოვრის...
კაცს რომ დაგინახვენ
ამ ქაღალდით თუ ბონით,

ასანთსაც არ მოგცემენ
მკაცრნი, უბირჭუბონი.
კაცს რომ დაგინახვენ
ხელში ქართულ კუბონით,

ხითხითებენ მანეთზე
გასასყიდი კუბონი.
მტრის წყველა თუ ამხიდა —
ბედი განზე გამიხტა,

ვაჰმე, ის ხის მანეთიც
სანატრელი გამიხდა.
... ყველში ხელწაჭერილო
ძლივს მფეთქავო კუბონო,

მითხარ როგორ გავტოპო
ეს მდინარე უფონო...
ჩემი დამაქცევარო,
საცოდავო კუბონო,

მშიერ ძმას და მეზობელს
გული ვით მივუფონო...
ჯამაგირში მანეთად
აღებულ კუბონო,

ბაზარზე ორ შაურად
გაგებულ კუბონო,
ლირსეულთა სუფრასთან
როსლა დაგასკუბონო...

ნაკუბონარ ჯიბეში
როგორ ჩაიდო ლარი...
დღეს მზის სხივად ზომზომებს
გულში შავი დოლარი.

პოდა, უცებ შეხტება
მკერდში გული მთრთოლარი
და ოცნებას ვეძლევი
მხარ-თედოზე მწოლარი:

მწვერვალს წავეტანები
მუშაითის ბაგირით —
კუბონებად აღებულ
მთელი თვის ჯამაგირით

• შევისყიდი ნახევარ
დოლარს შავ-თეთრ ბაზარზე,
იმედის თოკს დაეკიდებ
ხვალის ვეება ზარზე.

ჭიხეს აღარ დავიღლი
კუბონების ტარებით,
დავავროვებ დოლარებს
და მე იმ დოლარებით

ავდგები და შევიძენ
საქონელსაც, ჭიხურსაც,
წინ ვერავინ აღუდგეს
ჩემს წინსწარფვას ჯიქურსა —

ნარჩევ-ნარჩევ საქონლით
სულ კუბონზე ვივაკრებ —
ღვინოს შერჩეს ღვინობა,
მაქარს — შუში სიმპარე!

ბურჯად აწოვდგები
თეთრი ზაზრის მძლავრბას
და, როგორც დაადგინა
რესპუბლიკის მთავრობამ,

მანეთის და კუბონის
ძალას გაეთანაბრებ,
მათ სიმძლავრეს დავიცავ,
ვით შემბანკის ანაბრებს.

მაგრამ... რა მედიმება,
რას მივედ-მოვედები —
როგორ გაველო ციკაბო
ხრამები და ქედები...

ვიცი, უნდა შემოვკრა
ზარი, მაგრამ რა ზარი?
ჭიუტად დირიჟირობს
ჩვენს ბედს შავი ბაზარი.

როგორ უნდა გავტოპო
ეს დინარე უფონოდ
ახ, კუბონო, კუბონო,
ახ, კუბონო, კუბონო...

შორ გზას როგორ დავადგე
უეტლოდ და უბონოდ?
ახ, კუბონო, კუბონო,
ახ, კუბონო, კუბონო...

... და მე მჩრება ეს ლექსი
ვით სურათი უფონო.

იყიდება საქართველო

(ინფორმაცია ეკონომიკური რეფორმების შტაბის სხდომიდან)

10 სექტემბერს საქართველოს რესპუბლიკის მინისტრთა კაბინეტის თავმჯდომარის მოადგილის ბატონ რომან გოცირიძეს ხელმძღვანელობით გაიმართა ეკონომიკური რეფორმის შტაბის საგანგებო სხდომა, რომელიც მიეძღვნა საქართველოს ეროვნული ბანკის მიერ რეფინანსირებით ბოლო ერთი თვის განმავლობაში გაცემული საკრედიტო ექსპანსიის შედეგად კუბონის კურსის კატასტროფულად გაუფასურებისა და ამის საფუძველზე ფასების უკონტროლო ზრდის პრობლემებს, რაც ელმაც საგანგაშო მდგომარეობა შექმნა სამომხმარებლო ბაზარზე და გამოიწვია მოსახლეობის მნიშვნელოვანი ნაწილის შემოსავლების, მათ შორის ჭერ კიდევ მიუღებელი ხელფასების გაუფასურება.

შტაბზე აღინიშნა, რომ არასწორია ფართოდ გავრცელებული აზრი იმის შესახებ, თითქოს კუბონების დეფლაცია გამოწვეული იყოს ხელფასების გაორმაგებით, ვინაიდან გაორმაგებული ხელფასები ჭერ არ დარიგებულა. ბუნებრივია იგი შეიძლება იყოს მომავალში ინფლაციის ზრდის ერთ-ერთი მიზეზი. ამჟამად კი შექმნილი კატასტროფული მდგომარეობის ძირითადი ფაქტორია ბოლო ერთი თვის განმავლობაში უპირატესად კომერციულ ფირმებზე გაცემული უზარმაზარი კრედიტები, რამაც გამოიწვია მიმოქცევის სფეროში ნაღდი ფულადი ნიშნების ფართომასშტაბიანი ექსპანსია და სავალუტო სპეკულაციის არნახული სტიმულირება.

შტაბის სხდომაზე მოტანილი იქნა მონაცემები მხოლოდ ეროვნული ბანკის მიერ უკანასკნელ თვეებში გაცემული კრედიტების შესახებ, რომელმაც 180 მილიარდ კუბონს გადააჭარბა. დასახელებული იქნა ისეთი კერძო ფირმები და ორგანიზაციები, რომლებსაც გატანილი აქვთ შეღავათიანი უაღრესად დაბალპროცენტიანი, მილიარდობით სესხები: ფირმა „კაქტუსი“ — 20 მილიარდი კუბონი, ფირმა „ოლბი“ — 10 მილიარდი კუბონი, ფირმა „ბანი და კომპანია“ — 10 მილიარდი კუბონი, დიზაინერთა ფონდზე — 15 მილიარდი კუბონი, კონცერნ „საქნავთობპროდუქტ“ — 10 მილიარდი კუბონი, „არაგვი“ —

როგორიშენზე“ 21 მილიარდი კუბონი, კომპანია „ოქროს არწივი“ — 4 მილიარდი კუბონი, პურპროდუქტების სახელმწიფო კორპორაციაზე — 15 მილიარდი კუბონი. სულ ჩამოთვლილი იყო 43 ფირმა, რომელმაც ბოლო პერიოდში ეროვნული ბანკიდან სესხის სახით აიღო ერთ მილიარდ კუბონზე მეტი ოდენობით თანხა, ხოლო ზოგიერთმა მათგანმა ეს თანხები ნაღდი ფულადი ნიშნების სახით გამოიტანა. ძირითადად სესხების გაცემა მოხდა და ხდება „რეული“ ბანკების მიერ.

შტაბზე აღინიშნა, რომ რა მიზანით არ უნდა ყოფილიყო ჩადებული ამ სესხების გამოყენებაში, მისი გაცემის და ათვისების მექანიზმი ეწინააღმდეგება ეკონომიკის ელემენტარულ, გონივრულ მოთხოვნებს, იწვევს ეროვნული ეკონომიკის წგრევისა და მოსახლეობის გაღატაკებას, ცალკეული პრივილეგირებული პირების გამდიდრებას და საბოლოო ჯამში ქვეყნის თავდაცვისა და სიცოცხლისუნარიანობის გამოფიტვას.

შტაბმა მოუწოდა საქართველოს რესპუბლიკის პარლამენტს მიიღოს სასწრაფო ზომები ეროვნული კატასტროფის თავიდან ასაცილებლად.

ეკონომიკური რეფორმის შტაბის პრესსამსახური

* * *

რამდენიმე რისკიდან: როგორც სოცეკონომიკური მინდორის კრიტიკის ინფორმაცია გვაუწყებს 1993 წლის 6 სექტემბრიდან საქართველოს ტერიტორიაზე მიმოქცევაში ახალი ნიშნისა და ნომინალის კუბონების გაშვების შემდეგ აღვიდა აქვს მათი სხვა ქვეყნების ვალუტებთან მიმართებაში სწრაფ გაუფასურებას. თუმცა ამის შემჩნევას სოცეკონომიკური რეფორმის უწყება არ სჭირდება, ჩვენი მოქალაქენი საკუთარ ტყავზე ცდიან ცალკეული „დიდი“ ეკონომისტების „გენიალურ“ გადაწყვეტილებათა დამთავრებულ შედეგებს.

ასე მაგალითად, 3 სექტემბერს ბანკთაშორის სავალუტო ბირჟაზე დაფიქსირებული კურსი შეადგენდა 1 რუსული მანეთი = 7,5 კუბონს. ორშაბათს დაქტიურმა კურსმა არაორგანი-

ზებულ სავალუტო ბაზარზე მიაღწია 8,4 კუბონს. სამშაბათს — 9,5 კუბონს. ოთხშაბათს კი კუბონის კურსი ყოველ საათს ეცემოდა.

დღის 10 სთ-ზე 100 რუსული მანეთი იყიდებოდა 1000 კუბონად.
12 სთ-ზე 1020 კუბონად
14 სთ-30 წუთზე 1052 კუბონად
17 სთ-ზე 1250 კუბონად

ასეთივე ტენდენციაა დღესაც. როგორც ჩანს ეს თანდათანობით ზღვარი არ არის. ბუნებრივად ეცემა კუბონის კურსი დოლართან და სხვა ვალუტებთან მიმართებაში.

დამაფიქრებელია ვალუტის უმრავლეს გადამცვლელ პუნქტებში და „კავკასიის ბირჟის“ მიმდებარე ტერიტორიაზე საბანკო შეფუთვის მქონე მაღალი ნომინალის ახალი ნიშნის კუბონების მასიური გამოჩენა... ყოველივე ამან ელვისებური ზეგავლენა მოახდინა სამომხმარებლო ბაზრის ფასების ზრდაზე და გამოიწვია ჭერ კიდევ მიუღებელი ხელფასების სრული გაუფასურება.

მიმოქცევის სფეროში ნაღდი ფულადი ნიშნების ფართომასშტაბიანი ექსპანსია. რაც განხორციელდა გაორმაგებული ხელფასების გაცემის დაწყებამდე, ქვეყნის ეკონომიკის და მოსახლეობის წინააღმდეგ მიმართულ დივერსიად შეიძლება ჩაითვალოს.

სულ ცოტა ხნის წინათ ბატონმა რომან გოცირიძემ გააფრთხილა ყველა მოსალოდნელი შედეგების შესახებ.

ძალზე გაძნელებული იმის შეგნება მაგანათვის, რომ ეკონომიკურ კანონებთან თამაში სიკეთეს არ მოიტანს.

ალბათ, ფიგურალურად თუ გიტყვი, კუდის რიკამდე უნდა გასდვრეს ხალხს ტყავი. ყურიდან ბამბა რომ გამოიღონ...

კი ბატონო, ნუ დაუჭერებთ გოცირიძეებს, მაგრამ რაიმე რომ დაიჭეროს ეროვნული ბანკის ხელმძღვანელობამ, ამისათვის აუცილებელია რომ გაწამებულმა ხალხმა ფიქლები აიღოს ხელში?

ნუ დაეაყენებთ ისედაც სვედამწარებულ საქართველოს სოციალური აჯანყების წინაშე. მოუარეთ საქართველოს!

რა ქნას გასაცოდავებულმა ინტელიგენტმა? ანუ ტვინების გაღინების პრობლემა საქართველოში

დასასრული

ბათ, ცნობილი ჟურნალისტია და წლების განმავლობაში საზღვარგარეთ, უფრო ზნობად, ამერიკის შეერთებულ შტატებში იყო აკრედიტებული. ერთხელ, თბილისში ჩამოსულს, ჟურნალისტებთან შეხვედრისას ერთ-ერთი კოლეგის კითხვაზე, ყველაზე მეტად თქვენი რომელი პუბლიკაცია დაგამახსოვრდით, მას ნახევარ ზუმრებით უპასუხნია, ყველაზე მეტად ის პატარა წერილი დამამახსოვრდა „ნიუ-იორკ ტაიმსში“, რომლის პონორარიათაც ერთი რიგგარეშე უცხოური მანქანა ვიყიდე.

მანქანას ვინ ჩვივს, თვითონ თვემდე საქმლის ფულადაც რომ არ გვეფინს ჩვენი გასამრჯელო და ბევრ ჟურნალისტს, ინჟინერსა თუ იურისტს ზნობად განზე გაგვირბის თვალი, ეგებ ისეთი საქმეს მოვეკიდო, ოჯახიც ვარჩინო და თავიც ვირჩინო.

ასეთ გასაცოდავებულ დღეშია თითქმის ყველა ინტელიგენტი და ჩვენი მიმდინარე პოლიტიკური ბატალიებისა და „ცხელი თავების“ შემხედვარე არცთუ იშვიათად უყურებს ახლო მომავალს. ხოლო იქით, შირეულ მომავალში, რა იქნება, ერთმა ღმერთმა უწყის.

სერგო ჯანაშია

იყიდება ფირმა „ქენონ“-ის უახლესი მოდელის პროფესიონალური ფოტოკამერა. დარეკეთ: 93—18—41

საქართველოს სახალხო ფრონტი, გაზეთი „საქართველოს“ რედაქცია თანაგრძნობას უცხადებს სახალხო ფრონტის სარევიზიო კომისიის წევრს ბახვა ჯაყელს ძმის

ლევან ჯაყელის გარდაცვალების გამო.

მთავარი რედაქტორი
ნოდარ ბრიგადაშვილი
სარედაქციო საბჭო
თენგიზ გოგოტიშვილი
პასტანო კომახიძე
ჯემალ პასრაძე
მერაბ მაისურაძე
სერგო ჯანაშია

რედაქციის მისამართი:
თბილისი, თავისუფლების
მონღანი, კუპონი № 5
ტელ:
რედაქტორი: 93-20-36,
მონაგებ: 93-18-41.
პასუხისმგებელი მდივანი:
93-19-99

გაზეთი იბეჭედა ორშაბათი წესით საბაზეთო
კორაჟსში, ხოლო პირველი მასალა
ავტორებს არ უბრუნდება.
ხელნაწილ მასალებს ნუ შემოგზავნავთ.

გაზეთის
ინდექსი 66447
ფასი
120 კუპონი
გაზეთი დაკადრდება
კომპიუტერული წესით ფირმა
„გა“-ში
ტელ:
93—83—07, 29—49—60